



## Metro De Cymru Radur a Phentre-poeth

Pwrpas sylfaenol y Metro yw hwyluso teithio, boed ar drên, bws, beic neu ar droed. Bydd y Metro yn ei gwneud hi'n haws cyrraedd y gwaith neu'r ysgol, cyrraedd eich apwyntiad ysbyty neu fynd o gwmpas gyda'r nos ac ar benwythnosau gan ddefnyddio trafniadaeth gyhoeddus.

Ar hyn o bryd rydyn ni'n gweithio ar y Metro yn eich ardal. Mae cyfnod diweddaraf ein prosiect, a ddechreuodd yn gynt ym mis Awst 2020 ar linell Treherbert, Aberdâr a Merthyr, i fyny o **orsaf Radur**, yn cynnwys:

- Paratoi gwaith ar y cledrau, er mwyn inni allu ei drydaneiddio a'i foderneiddio yn y dyfodol
- Cael gwared ar lystyfiant sydd wedi gordyfu ar hyd y coridor rheilffordd presennol

Yn ddiweddarach, byddwn yn gosod y pyst a'r gwifrau uwchben, ynghyd ag addasu pontydd, croesfannau a chyfarpar arwyddion. Mae gofyn am raglen waith sylweddol, ond rydyn ni'n awyddus i roi diweddariadau cyson i chi.

## Ein cymdogion ar hyd ochrau'r rheilffordd

Fe fyddwch yn gweld ein pobl yn gweithio ar y rheilffordd yn hwyr gyda'r nos a thrwy'r nos oherwydd mai dim ond pan na fydd y trenau'n rhedeg mae modd inni wneud y gwaith yn ddiogel naill ai ar ein rheilffyrdd neu'n agos iawn atynt.

Er mwyn cael mynediad at y rheilffordd i wneud ein gwaith, byddwn yn sefydlu mynedfeydd addas a safleoedd compownd dros dro yng Ngorsaf Radur, a ger yr orsaf.

Byddwn ni a'n partneriaid yn sicrhau bod ein safleoedd yn cael eu rheoli'n dda a bod ein gweithwyr yn ofalus ac ystyriol. Mae gwaith peirianeg yn gallu bod yn swmlyd, felly byddwn ni'n gweithio'n agos gyda chymunedau a busnesau lleol i egluro'r hyn rydym ni'n ei wneud a sicrhau ein bod yn tarfu cyn lleied â phosibl ar bawb.

Mae gennym gymaint o waith sy'n rhaid ei wneud felly ni fydd modd inni ysgrifennu atoch bob tro y byddwn ni'n gweithio yn eich ardal, ond bydd y wybodaeth ddiweddaraf ar gael i chi gan ein bod yn rhannu manylion ein gwaith ar ein gwefan.

## Cynllunio'ch taith

Efallai eich bod yn ymwybodol nad yw'r rheilffordd i'r gogledd o orsaf Radur ar agor o 8pm ar hyn o bryd, gyda gwasanaethau bws ar waith yn lle hynny. Mae hyn er mwyn i'n timau allu dechrau ar waith dros nos a dal ati i weithio fin nos. Bydd gorsaf Radyr yn gweithredu fel y prif hyb ar gyfer newid rhwng gwasanaethau rheilffordd a bysiau, gyda bysiau yn disodli gwasanaethau rheilffordd. Bydd amserlen arferol y trên yn parhau i redeg rhwng Caerdydd Canolog a Radyr tan ddiwedd y gwasanaeth, gyda gwasanaethau trên cynnar y bore yn rhedeg fel arfer.

Bydd timau gwasanaeth cwsmeriaid wrth law yng ngorsaf Radyr i gyfeirio cwsmeriaid yn ôl ac ymlaen i'r prif hyb newid sydd wedi'i leoli yn y maes parcio gerllaw. Bydd cludiant ffordd yn cysylltu â'r gwasanaethau trên er mwyn sicrhau'r amseroedd aros byrraf posibl.

## We're working on it

### Taith Rithwir

Bydd cynllun newydd ein trenau yn cynyddu ein capasiti yn sylweddol ac yn trawsnewid profiadau teithio ein cwsmeriaid. Byddant hefyd yn cynnig llawer o nodweddion newydd yn cynnwys mynediad ar yr un lefel â'r platform, mwy o le i storio beiciau ac aerdymheru. Ewch ar daith rithwir ar ein gwefan:

[www.tfwrail.wales/vr360](http://www.tfwrail.wales/vr360)



### Mwy o wybodaeth

Mae'n amser cyffrous i drafnidiaeth ledled De Cymru a thu hwnt. Bydd ein tîm arbennig sy'n Ymgysylltu â Rhanddeiliaid a'r Gymuned yn gwneud eu gorau i roi'r wybodaeth ddiweddaraf i chi am ein cynlluniau.

Mae ein tîm cysylltiadau cwsmeriaid wrth law i ateb eich cwestiynau, ffoniwch **033 33 211 202** neu ewch i <https://trctrenau.cymru/cy/cysylltu-ni> i gael mwy o wybodaeth.

\* Mae'r llinellau ar agor rhwng 08:00 - 20:00 o ddydd Llun i ddydd Sadwrn, a rhwng 11:00 - 20:00 ar ddydd Sul.



Mwy o wybodaeth

<https://trc.cymru/metrobegins>

<https://trc.cymru/metro-faqs>